

宋朝大詔令集

宋朝大詔令集卷第一百五十三

政事六

做灾三

大風求言詔

原定元年三月丁丑

朕恭承天命撫有多方紹服前人之明勤經庶政之治居常勵翼罔敢怠荒載惟青異之來深原譴告之自度修應實所異格和而乃咎證薦臻疾風示變若豐其蔀乃晝而冥震懼載懷怒焉如疚蓋朕責躬匪至求訟尚遺德刑未協于中信化未孚于下緣茲爽戾再集機祥重念景公退獎舍之失成王起郊木之偃曾不旋日合應自天寧予眇冲靡克通感矧前紹中外率貢謹言亦既累司未聞獻可有能究民利病規朕闕達述在位之阿私圖禦邊之方略朕將裁擇以副憂勤

大風諸道德音 康定元年三月辛巳

門下朕紹承丕構撫御庶邦懷聖治之永圖繼祖功之遐武寤興一志兢業萬幾居常慎刑典之平廣言路之益永惟政闕仰畏天明冀召休嘉聿臻熙泰而乃靈風示變畫景中冥震懼以思咎譴安執曾繇靈眷中戒朕躬得非生聚滋蕃幅員至廣吏不奉法人或滯冤賦役靡均賞罰未中有一于此足致青祥宜圖消伏之期溥浹涵濡之惠應三京及諸道州府云云於戲側身祇戒克勵於精衷導善布和式孚於宥澤咨爾有衆咸體朕心

大旱責躬避殿減膳許中外言事詔 慶曆五年三月癸巳

朕臨御以來于今二紀夙夜祇懼不敢康寧庶洽治平以至嘉靖自去歲冬末時雪已愆今春大旱赤地千里百姓失業無所告勞朕恩災變之來不由他致蓋朕不敏于德不明于政號令弗信聽納失中

俾茲青祥下逮黎庶天威震動以戒朕躬大懼不能承宗廟之靈負社稷之重苦心焦思惶悸失圖是用屈已謝愆歸誠上叩不御正殿不舉常珍外求直言以答大譴異高穹之降鑒憫下民之無辜與其降疾於人不若移災於朕庶用感格以底休戚自今月十九日後只御崇政殿仍減常膳應中外文武臣僚並許密封言當世切務三事大夫其叶心交儆輔予不逮

得雨復宰輔所降官詔 慶曆七年四月壬子

朕勤勞萬事日慎一日思所以濟民於富庶而底時於嘉休也方春之後時雨稍愆夙夜焦勞罔敢違息卿等數援故事願降官秩勉從所請深屈于衷今膏澤均滋群生茂豫還以獲之法坐具太官之常珍豈吾一二輔臣猶未復舊位也

頒祭龍祈雨雪詔 皇祐二年六月己巳

夫旱暵之數目昔常然禳禱之方救災為急欽惟先聖篤在勛農恩
獲閏雨之求早得繪龍之法鑄行方板者定明科班之庶邦副在公
府以虞三時之致害懼百穀之愆宜導迎甘膏消弭熏虐目奉遵於
憲矩多獲驗於雲場應年祀以深深慮詔文之殘缺宜新刊刻用廣
宣行且以識聖考之愛勤伸非躬之繼述眷言守宰得奉紫微所以
庇民莫先育穀凡因祠禱務竭精誠庶洽至和以躋長治宜令本處
如此牧嘗遇愆而雪即嚴潔依古法祈求祭龍法先令一道士於壇
上勅水解穢少遶壇道然後祭龍或無道士處但焚香可也

至和元年日食正陽之月避正殿減常膳宰官乞復常第一

表批答

朕以菲德統承緒業兢兢夙夜冀當天心而正陽之朔大明虧照日
與歲會典術所忌謹戒不遠在予之躬乃盈庭之臣伏閣上表奏欲

還內褻之膳復法坐之尊豈朕所以畏威克己之意乎自是三表乃從之

雨灾求直言詔

嘉祐元年六月己卯

朕以眇身奉承聖業常愧政化之爽以羞祖宗之靈日昃勤勞躬自懋勉約己以濟物但誠以任人夙將一心殆且三紀庶蒙休應以登至平近乃淫雨降灾大水為沴敗公私之廬舍冒西南之城扉秋稼有淪傷之嗟貧人罹溺喪之苦彌月于此積悔未聞兩河之間決溢為患夙夜惟念悼痛於懷此皆朕德不明天意所譴致茲灾潦害及下民是亦邦治未孚王政多闕賞罰有所不當詔令得非未使獄訟頗枉賦役煩急既民寃失業者衆則天灾緣政而生思聞讜言以推咎罰適有消息志在更張應中外臣僚並許實封言時政闕失凡當時之利害制治之否臧悉心以陳無有所諱庶幾弭塞變異致和

平咨爾股肱之臣其交相戒敕虛心以調元化合志而營大政輔予不逮與其有慶故茲詔示想宜知悉

日食正旦避殿損膳宰臣等表請復常批荅嘉祐四年正月

丁酉

朕燭理不明乃正月元吉太陽虧光惕然宵旰深自責咎避正殿卻常珍猶懼乎修省之未至而二三輔臣汨于百執事叅列大廷旅陳封奏且有復常之請何遽然耶是重朕之不德也自是三上表從之

災傷令提轉督責州縣長吏勤撫疲羸詔嘉祐元年三月壬子

比者天災流行蝗潦相繼雖發公廩之粟蠲常賦之科而民之捐瘠賑救未洽親民之吏疚心所事如父兄之奔迫治子弟之疾苦惡有不獲全濟哉如聞上下因循視同常務至其下貧賤危轉死溝壑或鬻市其所愛或啗食其道驅方春發生群物忻豫迺今吾民惛惛

如此朕甚憚焉轉運使提點刑獄其悉乃心督責州縣長吏以下勤撫疲羸急於營濟仍察官吏之不稱職者以名聞

雨灾求直言詔

治平二年八月乙未

蓋聞古之聖賢在位陰陽和風雨時日月五星辰靜黎民阜蕃以底丕平朕甚慕之朕猥以眇躬託於王公之上夙夜以思懼不能以承先帝鴻業而比年以來水潦為沴迺八月庚寅大雨京師室廬執傷被溺者衆大田之稼害於有秋竊述災變之來曾不虛發豈朕之不敏於德不明於政歟將天下刑獄滯冤賦繇煩苦民有愁嘆無聊之聲以干其順氣歟不然何天戒之甚著也今飭躬焦思欲消復大異而未聞在位者之忠言進祈自新厥路何繇焉應中外臣僚並許上實封言時政闕失及當世之利病可以佐元元者悉心以陳無有所諱執政大臣皆朕之股肱其協德交修以輔不逮故茲詔示想宜知

志

水災星變令提轉體量冤獄民間疾苦詔治平三年三月癸酉

朕膺付託之重體盈成之難萬務至微每躬乎聽覽一物失所常軫於誠心而去秋以來雨潦為沴禾稼湮毀室廬墊溺遷徙流離曾靡寧息撫存賑濟甫臻和平而時氣未熙星變生變咎證昭灼青異重仍撫躬以思怒焉如疚豈朕明不能燭政有不通至誠未孚天道猶鬱天威震動誠在朕躬洗心目新宜從上始是以不御正殿卻去常珍申諭左右之良益崇寬簡之治重惟幅員至廣生齒寔繁爽於大中或難舉舉宜飭行臺之使就領觀風之權凡獄訟稱冤調役頻冗鰥寡孤獨之在下死亡貧苦之可嗟分命省廵曲加矜恤使國之利病得以上聞朕之仁恩因而家至用昭寅畏之德以殄消伏之祥宜令諸路轉運提刑分往轄下州軍體量刑獄冤滯民間疾苦速行辦

理及加極恤如事體稍重即具聞奏

日食百司守職詔治平四年十二月丁卯

古者日有食之百司守職蓋所以祗天誠而備非常令獨闕焉甚非王者小心寅畏之道來年正旦可令中書議舉行之

日食後群臣請御正殿復常膳第一表不允批荅熙寧元年正月乙亥三表

朕德不明上累三光之變乃以正月之朔大陽薄食考之古義咎莫大焉故朕避朝徹膳思有以恐懼修省謝上天之譴告而二三輔臣暨百辟庶尹方宜同心協德以輔不逮若夫進御虎門之朝退加牢鼎之膳請雖誠至豈朕所望哉

冬旱減降德音熙寧元年正月四日丁丑

門下上能恭於事則雨若澤不施於利則旱災君德因以失中天沴

緣而存至奄若圭璋之合契逮於桴鼓之傳聲顧朕不明闇於為政
動傷茂氣咎應常暘綿跨大冬之窮凌涉元春之首訖無雨雪沾被
農疇訴上帝以載祈走百神而並禱雖精表之內罄期美政而茂聞
中夜以興寸心是悼省茲大變實在眇躬民也無知橫罹禍役尚慮
方區之廣居多禁網之苛宜錫履恩率從寬降應西京諸道州府云
云於戲決洛陽之獄庶將甘澤之來符表東海之寬或覲豐年之可
召咨爾臣庶當體朕懷

賜韓琦詔 熙寧二年二月中辰

大河之北歲比不登又有水溢地震之災方春東作民益不聊至携
老幼棄田廬日流徙於道朕甚憫之豈役煩歛重而吏莫之省耶將
姦人乘此災變而動搖之也朕中夜以興為之惜但不安前日徙卿
以鎮大名者盖有意于此其經制之方已聽便宜從事若可以佐吾

民者宜率意遠思為朕撫輯而振全之母使後時以重民困也

旱災避殿撤樂減膳詔
熙寧二年四月丙辰

朕承祖宗之緒歷日未久而陰陽錯謬星辰失行河決地震相仍為患方夏大旱宿麥時槁民之失職無所告勞朕惟災變之來蓋不虛發豈朕政令之未敷聽納之靡中以致厥咎歟不然何大異之滋至也夫天人之際猶影響也匪屈已而思過易心而修德則何以應之哉朕自今月乙巳不御前殿減常膳罷同天節上壽撤樂公卿大夫其勉修厥職以圖消復故茲詔示想宜知悉

宰臣富弼以下請御正殿復常膳舉樂第四表不允批荅

省表具之朕顧德薄不能致陰陽之和而災異比下害于千民故避殿損膳撤在廷之音庶幾人事修而天意得也雖嘉澤道應然驕陽旋興側身永思重懷慘結卿等迺露章繼至願復其常朕方恭天之

渝不敢以馳驅也所請宜不允

河北路德音熙寧元年十月二十四日

門下朕承至尊之統臨億萬之居蒙五聖之休而不敢康饗四海之富而不敢泰恐懼水淵之履勤勞夙夜之思庶幾導群元之蕃濟百物之豫乃眷大河之北忽興淫雨之祥坤載震搖川防潰決遠跨邊郡墊隳民廬竊述災患之來率緣政教而起永念厥咎在予一人交累陰陽之和著見天地之戒宜霈施惠澤將感格於靈觀河北州府云云於戲視民如傷已形心於慘怛恭天之怒敢措已於安寧益勵兢虞終圖銷復咨爾有衆咸體朕懷

日食正陽德音

門下朕獲奉宗廟于茲七載憂勤願治弗敢荒寧而太史預言天將降咎正陽之朔日有食之推原典經斯謂大異夙宵戰栗未燭厥咎

豈非庶政之失加于四方德誼未孚刑罰未中善氣繆戾以累三光
今天動威申儆不逮是用損膳徹樂變服避朝推恩元元蕩宥多辟
以圖消復以召和平應天下繫囚云云於戲戒懼乎不睹銷救于未
萌庶幾誠心或感靈佑告爾有衆體朕意焉

宋朝大詔令集卷第一百五十三

宋朝大詔令集卷第一百五十四

政事七

做灾四

日食正陽宰臣乞復正殿常膳不允批荅熙寧 年四月丁卯
朕祇若天戒憂心靡寧靜循青灾咎在非德貶損常御豫度明威公
卿庶事率勵百職圖究厥異以昭棐忱奏封所陳豈亮朕意

早灾避殿損膳宰臣等上表請復不允批荅熙寧七年三月
辛亥

朕德弗格無以媚於上下神祇天降之災旱虐為甚厯日彌久害及
嘉生故自貶損異欲銷去而精誠不至報應未蒙側身以思深用震
悼而卿等反以蔽使之來誕辰之慶宜復常膳何其遽也

早灾求言詔

朕涉道日淺昧于致治政失闕中以干陰陽之和乃自冬迄春旱暵為虛四海之內被災者廣間詔有司捐常膳避正殿興以塞變應日滋久未蒙休應嗷嗷下民大命失恃中夜以興震悸靡寧永惟其咎未知攸出意者朕之聽納不得於理歎獄訟非其情歎賦歛失其節歎忠謀諫言鬱於上聞而阿諛壅蔽以成其私者眾歎何嘉氣之久不效也應中外又武臣僚並許實對直言朝政闕失朕將親覽考求其當以輔政理三事大夫其務悉心交做成朕志焉

彗星見賜王安石詔求直言

朕以寡薄猥承先帝末命獲奉宗廟顧德弗類不足仰當天心比年以來災異數見山崩地震旱暵相仍今彗出東方變尤大者內惟淺昧敢不懼焉其自八月己亥不御前殿減常膳如故事卿等宜率在建之官直言朕躬過失改修政事之未協於民者以聞

彗星見赦文

朕紹履尊極于茲九年昭事神祇之明祇迪祖宗之烈深維寡昧未知攸濟夙興旰食靡或違寧而比歲以來災沴未息今茲星文謫見變異甚著永思厥咎在予一人豈非德不能綏理有未燭政令或失刑罰罔中皇天動威以是譴告是用撤去常膳改避正殿仍推肆青之思以洽好生之德庶敷宣於和氣覲回復於善祥可大赦天下云云於戲惟修政可以塞變惟至誠可以動天用端寅恭以祈消復更賴股肱良弼中外蓋臣益申儆於事為無導迎於福應咨爾方夏體朕至懷

彗星見

膳宰臣王安石等上第二表乞御正殿復常

膳不允批荅

然寧八年

勅云云
垂象之變咎在朕躬內惟菲涼敢不祇懼避朝損膳欽天之

威神休震動銷去大異而三事庶尹咸造在庭願復舊常至于再請
且星降咎德猶賴交修况天畏棗忱固當屢省弭災嚮福其庶幾焉
所請宜不允

彗星避殿減膳許中外直言朝政闕失詔

門下朕以寡昧獲承宗廟夙夜祇畏不遑康寧異或仰當天心感格
和氣以敷錫于庶民而太史占言謫見乾象及孟秋癸未當出西方
謹告之來厥有攸召夫豈朕德弗類刑政或謬於理與吏之不良而
民或失職歟永惟厥咎朕甚懼焉自今戊子避正殿減常膳中外臣
僚蓋許直言朝政闕失朕虛心以改庶幾古我格王正殿事之意焉
星變後百官乞御正殿復常膳不允批荅
元豐三年八月乙亥五表乃從

天變不虛謬在人事願惟警言戒是佑朕躬損膳避朝式昭忱念神休

感格雖即弭消日監在茲敢忘祇畏方期交飭永答顧懷願復舊常
朕所未諭

賜宰臣王珪以下上第五表請御正殿復常膳允批答

變象在天誠告不治震動休惕罔知所從故貶食避朝思惟厥咎而
群公卿士勤啟朕意祈復故常惻惻不回數至于五詩曰我其夙夜
畏天之威其務懷保庶民共承上帝弼違救過同國之憂重却乃誠
勉徇來請

日食後宰臣王珪等上第二表乞御正殿復常膳不允批答
省表具之正月之朔候屬元陽此日而微其咎安在避宮省膳欲銷
去之尚虞昭格之誠未既應天之實交修不逮庶免厥愆繼聞函封
請循舊典方予祗異難徇忱辭所請宜不允

第二表允批答

省表具之朕德弗類上干大明畏天之威罔敢暇逸惟帝鑒顧佑于
眇躬當元陽之辰陰雨晦塞至誠昭格浮祲自消祇念靈承側身匪
懈眷吾列辟勤請再三勉復厥常未忘惕勵尚宜交儆永底和平所
請宜允

元豐五年日食正陽德音

三月己亥

門下朕紹承祖宗奉順天地罔敢樂樂圖惟乂寧而變象將昭太史
前告孟夏朔日茲惟正陽薄食之災為異尤重動威示戒殆跡眇躬
損膳避朝思求其故慮智有弗燭仁有未孚德化淺微刑罰錯繆乖
忤善氣干掩大明若蹈冰淵靡如所措肆省多責庶迎休嘉應四京
諸軍州軍監見禁罪人云云於戲惟皇上帝篤祐下民宜及未形共
圖厥咎勅躬正事精加至誠小大庶言咸體予意

以旱避正殿減常膳詔

元祐二年四月辛卯

朕承祖宗之休獲紹大統而陟道日淺昧於政治萬事失中以干陰陽之和乃自冬迄夏旱暘為虐四方之內被災者廣生民嗷嗷無所告勞永惟災變之來蓋不徒發意者朕之聽納不傳於理歟賞罰失當而賦稅無節歟民力屈竭而土木營歟抑忠言壅於上聞而德澤不下流歟何大異滋至也非克已思過洗心修德其何以答塞天變協致大和可自今月十一日後避正殿減常膳公卿大夫其勉修厥職共圖消復

群臣請御正殿復常膳第一表批荅

省表具之朕即位二年水旱繼作致災之故實惟沖人既延及於無辜復貽憂於文母是以坐不安食食不甘味竇欲深念厥咎豈徒見之空言而雨不崇朝農猶告病欲徇來請惕然未寧其一乃心勉正厥事毋重朕之不德以荅天之深戒所請宜不允

百僚請太皇太后復常膳不許批荅

覽表具之旱暵之罰自冬及夏天之降灾如此其久則未有致灾之道豈一日而然哉雖力行罪己之文尚慮非應天之實而卿等以膚寸之澤遽欲即安覽之惕然未敢自赦其交修不逮務盡欣誠期茲歲之有秋始復常而未晚所請不許

百僚上第五表允批荅

省表具之朕以寡昧膺受多福常欲損上益下畏

旱灾

谷在不得而卿等以雨澤既至封章屢上勉從其意甚愧乎中夫天之有風而雷霆猶朕之賞罰朕不修明其事何以責應於天永思其終無忘納誨所請宜允

太皇太后許批荅

覽表具之德積無素民罹其灾精誠莫通禱不時應雖蒙膏澤之報

僅救焦枯之餘勉徇來章猶虞後患其謹視盜賊勤恤流亡益務交修以俾禪不逮所請宜許

宰相呂公著積雪異常望賜罷黜表不允批荅 元祐三年二

月甲申

朕獲承大統懼德不類以干陰陽之和迺自去冬距于今春久陰常寒霰雪不止罹此灾罰斯民何辜朕方仄席祇畏圖惟厥咎而卿等乃引責祈免是重彰朕之不德而無以上承天心古之明王遇灾而懼則克己修省以止厥德不聞歸罪大臣以塞責文過卿其一德同心夙夜啟沃以輔朕不逮庶幾消復稱朕意焉姑體眷懷少安厥位所請宜不允

去冬連月降雪今春久陰德音

門下朕以眇躬獲御大器仰聖后之慈訓荷先烈之永圖四載于茲

涉道尚淺凜然祇惕若履淵冰思所以慰安人小奉若天道常慮一夫之失所以傷萬物之太和蠲苛去煩夙夜願治廼自去冬連月降雪異常今春以來久陰不霽農民失職商旅不通比屋之間凍餒彌甚常寒之罰咎在朕躬惟日兢兢以圖消復潔精致禱神春未亨克已自持協氣無應竊慮四方獄犴寬滯尚多工役煩興人咨胥怨鬱成繆盭之變以干陰陽之和宜均渙恩以召嘉氣應西京諸道州府軍監縣勅命到日以前見禁罪人除常赦不原外枉法自盜罪至死情理輕者奏取指揮闕殺罪至死情理稍輕者減一等刺配千里外牢城輕者刺配五百里外牢城斷訖錄案聞奏其餘死罪降從流流罪降從徒以下並放強盜罪至死依所降決訖情理重刺配廣南遠惡處輕者配二千里外牢城應諸路今春緣修河及工役所起夫並特免如已發在路所至告示放歸其河上及應用急切工役並用

軍工及和雇願役貧民充餘並權住一年應罪人令衆者自今年三月以後並放災傷郡縣公私欠員展一季去年秋稅展一月流民所至及飢貧人並多方存恤給其錢米拘礙條制安撫或鈐轄司量度應副訖奏逃軍限兩月首身放罪祠廟在祀典者長吏差官嚴潔致祭於戲遇灾祇戒聿修信順之誠正事布和庶獲天人之助咨爾中外咸體朕懷

宰相呂公著等以陰雪再乞罷不允批荅
元祐 年 月 戊子

朕惟天之示人雖若影響而灾咎之發事豈一端思欲應天莫若誠實陰雪不霽日冬徂春民罹其灾夙夜祇畏書曰惟先格王正厥事卿其究政事之所未正者以輔朕躬但斯民無失所之嘆顧欲引灾去位是置朕於有過將何以弭天灾而致和氣朕無取於斯焉勉安

朕位以稱朕懷所請宜不允仍斷來章

宰相呂大防等以時雨不足請免不允批荅元祐五年四月

甲辰

歷時告旱歲事可虞精禱未孚神肌猶嗇朕側身思歿終夕靡遑卿等躬仕變和志同憂患雖引義自責大臣之體則然而釋位求安有國之計何賴尚講救荒之政以助憂民之誠苟或使旱不為則朕復何咎所請宜不允

以旱減膳避殿詔元祐五年四月丁巳

勅門下朕奉承統業乎今五年臨御崇高未達庶政夙夜祇懼若涉淵冰常恐德之弗類無以下慰民望上當天心今者冬雪不効春雨弗若逮此孟夏旱災如焚麥不充食禾未出土歲事凜凜民且狼顧雖禱祠備至而神莫之荅惟循省自克則災或可消意者政令寬弛

吏或為害而莫懲歟賦役失當民病於事而莫察歟忠言有壅而未達賢材有抑而未用耶念之雖勤行則未至昭明恐懼之誠意庶幾陰陽之不違可自今月二十三日後減常膳不御前殿及將來五月一日罷文德殿視朝朕上奉東朝深愧常珍之日缺下臨庶尹猶異嘉言之上聞苟利於人其無不究

呂大防等乞御正殿復常膳批荅 元祐五年五月乙亥

省表具之歷時不雨天之告誠已深因旱責躬朕之誠意未迄今雖小雨繼至而二麥已傷飢饉有己見之形永泰無必獲之理卿等遽陳誠請求復故常朕仰畏天威下念民瘼深愧治朝之盛未知肉味之甘矧復神母愛民憂心如昨朕獨何意遽舉舊章頒歲事之有成與天意而皆復所請宜不允

第二表不允批荅

省表具之朕獲守丕基未習師保之訓不有善政以干陰陽之和去冬以來時雨弗若謹告之久逮今半年有懷誠懼之誠豈以一雨而足永惟朝會之禮百辟具來膳飲之常庶珍咸在方斯民之未裕匪朕意之所存卿等寄在腹心志同憂樂奉我以黼衣之盛不若處我於無過之中厚我以玉食之華不若助我以兼濟之善所請宜不允仍斷來章

第三表不允批荅

省表具之朕庶政不明常暘為譴奔走祠望降黜典常亦既逾時僅而獲雨永惟天意之難復民食之未充庶幾終歲之豐登未免茲心之怵惕虛治朝之列位損內饗之常羞於朕心猶曰未安而卿等遽以為請旨成湯自省以六事楚莊常懼於無灾朕既嘉前王之小心豈以一雨而遂懈所請宜不允

第四表允批荅

省表具之畏天恤民本朕躬平日之志避殿損膳抑祖宗故事之常
乃者亢陽為災甘澤未遍朕祇率舊典以行本心茲因屢請之勤審
知時雨之足苟無憂於民食豈必廢於邦常朕既用僉言正坐食珍
不改國朝之舊卿等亦廣吾意修政謹備常若水旱之來所請宜允

宋朝大詔令集卷第一百五十四

宋朝大詔全集卷第一百五十五

政事八

做灾五

太皇太后以旱賜門下詔

勅門下吾母臨四方親決萬務清心克己凡以為民而天意弗感歷
時灾旱宿麥幾盡秋稼未立饑饉既至疫癘將起齋祠雖切漠然弗
應吾則不德民實何罪中自循省寢食皆廢豈政治失當事之害物
者尚多上下否塞情之不通者非一刑或不稱其罪用或不當其人
有一于斯皆足以上拂天心下擾民聽循致斯旱咎實在吾皇帝過
灾恐懼不敢自逸既命有司降食避殿罷五月朔朝吾亦自今月二
十三日後減常膳側身思咎固無吝於改為恻德濟民尚有求於列
位故茲詔示想宜知悉

呂大防等乞太皇太后復常膳批荅

覽表具之吾勉而臨政志切為仁凡克己以濟民皆力行而不懈矧今久旱傷稼憂在阻飢豈以菲食逾旬指為難事而卿等因是微澤率然上章雖嘉乃誠殊匪吾意夫旱災之後荒政之所備者尚煩秋種雖生終歲之可虞者非一與其君臣釋然而忘患孰若上下相儆以圖安始從降食之文以示畏天之實所請宜不許

第二表不許批荅

覽表具之吾性本恭儉居不求豐時方旱災懼若無措是用側身念咎貶食以祈上將荅於天心下以慰於民望今者膏澤既至泰稷可期此則上帝仁愛之深斯民鰥寡之幸在吾祇懼何敢弭忘卿等備位股肱亮此誠意豈可因風雨之微順忍陰陽之久愆方歲事之多虞姑復少俟苟民食之既定吾亦何辭所請宜不允仍斷來章

第三表不許批答

覽表具之乃者寧而得雨年麥既傷田雖可耕禾黍猶病吾惟農夫
之不易歲事之多艱未忘戒懼之誠不遑口體之養今者時雨繼至
秋稼稍蘓卿等遽與庶官求信前請吾將推先王菲食之意以終斯
民豐歲之祈行之雖久而不謂勞卿其姑止以成吾志所請宜不許

第四表許批答

覽表具之吾聞天之降異本以仁愛人君君知畏天乃克保有邦國
故旱雖傷稼而恐懼修政則變或可消雨雖應期而怠忽忘災則歲
未可必頃者膏澤荐至群言上聞吾夙興念此特降食如故今動請
繼至屢卻弗回惟眾意不可重違故事不可終廢膳羞之設雖勉強
以復常脩省之心終頃刻而不去尚賴多士同致此誠所請宜許

日食不視事具素膳祭太上百司守職詔

紹聖四年五月甲巳

太史局言六月初日有食之天者厥異朕甚懼焉其日可罷視事仍
令有司具素膳公卿等更宜勉思所戒以輔朕不逮仍差翰林學士
承旨蔡京祭告太社日未出百司守職其合行事太常寺疾速施行

彗星見避殿損膳罷秋宴求言詔

紹聖四年九月壬子

天垂變異彗出西方災譴為大朕竊懼焉可避正殿損常膳罷秋宴
公卿各宜悉心修政輔朕不逮仍許中外臣僚等直言朝政闕失朕
將親覽其此意令學士院降詔處分詔曰朕以菲德奉承大業夙夜
戰慄不遑康寧惟恐不足以仰當天心以羞先帝聖德乃仲秋之夕
彗出西方推原典經茲謂大異永惟其咎未燭厥理豈惟庶政之失
以悖三光之明謹告之來朕竊祗懼書不云乎惟先格王正厥事已
避正殿損常膳罷秋宴公卿其各悉心修政輔朕不德應中外官僚
等並許直言朝政闕失朕將親覽虛心以改庶幾以銷天文之變焉

彗星見大赦天下制

問下朕以眇身獲保宗廟恭典神天翼翼小心罔敢豫怠惟恐不德
以上干乾象今彗出西方災譴為大天垂變異朕實懼焉是用損膳
避朝永言輟燕其敷恩霈蕩宥罔姑庶消復於秋祥以導迎於善氣
可大赦天下應詔聖四年九月五日昧爽以前罪人除犯劫殺謀殺
故殺鬪殺並為已殺人者并十惡偽造符印放火等罪並不赦外其
餘罪無輕重已覺發未覺發已結正未結正咸赦除之云云於戲遇
哉而惟勅命惟幾尚須公卿悉心輔政交修不逮同底丕平懿爾多
方咸體朕意

百官請御正殿復常膳不允批荅

朕祇畏明威避朝損膳祿象消弭神眷願綏惟天難謐惟德是輔思
與多士益圖康功靡敢違寧審所當戒而遽復常禮誠所未安往協

乃心以正厥事所請宜不允

日食四月朔四京德音

元符三年三月二十一日

門下朕以眇身初嗣麻服惟德不類上累三光太史豫告天示之象
乃四月朔日有食之謹告之衆必緣類至側身而懼勅命惟幾損膳
避朝以圖消弭百姓有罪時予之辜其推渙恩數錫近甸應四京畿
內云云於戲天道雖遠其聽自民格王所先惟正厥事誕告有衆體
予至懷

月變求直言詔

元符三年三月辛卯

朕以眇身始承天序任大責重罔知攸濟永惟四海之遠萬幾之煩
豈予一人所能徧察必賴百辟卿士下及庶民敷奏以言輔予不逮
矧太史前告天將動威日有食之其在正月變異甚鉅殆不虛生夙
夜以思未燭厥理將以彌綸初政消弭天灾非藥石之規孰開朕聽

況今周行之內人有所懷憂美之中言亦可採凡朕躬之闕失若左右之忠邪致令之否臧風俗之蠱惡朝廷之德澤有不下究閭閻之疾苦有不上聞咸聽直言毋有忌諱朕方開諫正之路消壅蔽之風其於鯁論嘉謀惟恐不聞而行之唯恐不及其言可用朕則有賞言而失中朕不加罪朕言惟信非事空文尚悉乃心毋憚後害應中外臣僚以至民庶各許實封言事在京於合屬去處在外於所在州軍附進以聞布告通遐咸知朕意

宰臣章惇日食後請御正殿復常膳第二表不允批荅省表具之日食正月經典所重眇末小子敬忌天威邊避正朝減損常膳側身修行欲銷去之公等上章請臨前殿復常珍雖有愛君之心非朕畏天之意所請宜不允

日食四月朔德音建中靖國元年三月二十一日

身重乃其長子

門下朕獲奉宗廟逾年于茲任大責重不獲康寧今者太史豫言日有食之將在正陽之朔斯乃大異朕甚懼焉夙夜拳拳深惟其故豈非教化未修刑罰不中吏之弗良者衆民之失職者蕃累三光之明示以譴戒是用扃膳避朝滿宥多辟以圖消復以召和平應四京諸道云云於戲百姓有過罔不在予萬邦作孚孰非自朕率求諸已庶獲休徵咨爾有衆咸體朕懷

日食四月旦韓忠彥等請御正殿復常膳不允批荅建中靖國元年

省表具之正陽之月日有食之謫見於天為變甚大予末小子不逞寧居損膳避朝以圖消弭雖陰雲密布變象弗昭而群公卿士遽上封章乃欲御前殿復常膳豈體慄慄危懼祇畏天戒之心哉所請宜不允

第二表不允批答

省表具之朕德不明無以召天地之和正月之朔陰匿斯作而辰弗集于舍謹告其甚焉恐懼修省幸於消弭群公多士未有以規過失正厥事乃重以復常珍御正殿為言豈朕之所欲也所請且不允

第三表允批答

省表具之天降災異謹戒朕躬日食正陽變之大者深惟庶政之闕上累三光之明路寢避居內饗捐膳夙夜祇懼欲消去之卿等剡奏屢陳復常是請姑勉從於誠懇尚益勵於贊襄所請宜允

崇寧三月火四京畿內德音

門下朕紹承大統昭事上穹懋欽乃誠靡敢遑怠三月辛丑災于宮隅烈焰燭延通夕震懼賴天眷祐卒底於寧列聖神御之祠累朝謨訓之閣路寢府庫悉獲保完深惟儆誠之甚明豈獨攸司之弗謹寅

畏修省夙夜干茲宜推渙恩覃及近甸應四京畿內云云於歲遇災而正厥事既有典常施澤以惠我師庶無罪悔咎爾有衆體予至懷

星變故崇寧五年正月十三日

門下朕以菲德獲奉丕基事天保民罔不欽翼盱眙圖治夙宵究思若涉淵水靡敢豫怠惟恐弗類仰達天心今星出西方變異甚著永思厥咎在于一人是用撝撝避朝永言肆眚冀導迪於善氣以消弭於妖祥可大赦天下云云於戲側身修行深懷誠懼之誠惟德動天庶格休嘉之應尚賴股肱近弼中外盡臣悉意交修共臻丕祐咨爾方夏咸體朕懷

星變求直言詔

崇寧五年正月乙巳

朕以寡昧奉承大烈夙夜祇惕靡敢康寧冀以仰當天心感格和氣乃孟春之夕星文變現推原載籍茲謂大異豈朕德弗類政刑罔中

皇天動威以示譴告永惟厥咎朕甚懼焉已避正殿損常膳中外臣僚等並許直言朝政闕失朕將親覽虛心以改庶格王政厥事以銷乾象之變故茲詔示想宜知悉

星變毀黨籍石刻詔

同上

應元祐及元符末係籍人等今既遷謫累年已足懲戒可復任藉許其自新所有朝堂石刻已令除毀今後更不許以前事彈糾常令御史臺覺察違者具彈章以聞

彗星見赦天下制

大觀四年五月二十日

門下朕祗膺駿命寅奉丕圖憂勤萬微靡敢怠豫恐德弗類以干三光今星出東方為異甚大朕念往歲之垂象聿新善政以應天豈謂期年悉加輿易永思厥咎時予之辜是用損膳避朝宣恩肆宥覲導迎於和氣以敷祐于庶民可大赦天下云云於戲惟至誠可以動天

惟正德可以格物尚賴交修之助咸臻銷弭之祥習漸多方威體朕意

淮南旱曲赦德音政和元年四月二十五日

門下朕以菲涼奉循聖緒思濟盈成之業聿臻富壽之風祇慎夙宵
敢違暇逸乃自春迄夏愆亢踰時晷彼淮壩被災尤廣永念刑政之
戾仰于亭育之和狂歡滋豐黎元重困惟天人之協應若影響之相
隨宜霽渥恩以迎善氣應淮南路云云於戲側身終行敬忘省懼之
誠發政施仁庶格感通之効咨爾中外咸體朕懷

正陽之月日有食之御筆手詔

宣和元年三月二十三日

日月行黃道及其相掩人下而望有南北仰側之異故謂之蝕月假
日光行於日所不燭亦以為蝕日月之光蓋未始虧人望而然古之
人以厯推步先期而定躔數之常然日為陽人君象也為陰所掩不

可不戒故伐鼓於社嗇夫馳庶人走以財成其道輔相其宜令吏有
言正陽之月日有蝕之朕欽明天道若古之訓罔敢怠廢可令尚書
省詳具前後故實取旨施行而告中外咸使知之

宋朝大詔令集卷第一百五十五

宋朝大詔令集卷

政事九

褒崇先聖

辛曲阜縣備禮謁文宣王詔 大中祥符元年十月

朕紀號介邱觀風廣魯載懷先聖賢主斯文矧尼山毓粹之區光靈可挹而曲阜奉祠之地廟貌攸存特伸款謁之儀用表欽崇之素宜以十一月十一日辛曲阜縣備禮謁宣王仍付所司

追謚元聖文宣王詔 大中祥符元年十一月

王者順考古道懋建大猷將啟迪於素風以茂揚於鴻烈先聖文宣王德隆上聖體自生知以天縱之多能為人倫之先覺肆朕霖霖欽承命祿遵守藝訓保乂中區祇若元符告成喬歡觀風廣魯之地飭駕數仞之墻躬謁遺祠緬懷遐躅聿舉追崇之禮庶伸嚴奉之心備

物典章垂之不朽宜追謚曰元聖文宣王祝文特追著所司擇日備禮冊命修飭祠宇給近便十戶以奉崇廟

追命叔梁紇齊國公詔大中祥符元年十一月戊戌

朕祇陟岱宗親巡魯甸永懷宣聖之德躬造闕里之庭惟慶羨之有初洎淑閑之作合宜加追命以煥典章宜追封叔梁紇為齊國公顏氏為魯國大夫人伯魚母并官氏為鄆國夫人

七十子封侯製誓詔大中祥符二年五月乙卯

朕乃者封巋禪社昭列聖之鴻勲崇德報功廣百王之彝制洎言旋於闕里遂躬謁於魯堂瞻河海之姿睟容穆若出洙泗之上高風凜然舉茂典之有加期斯文之益振由是推恩世胄併錫其寵章祇事祠庭廣增其奉邑伏念性與天道德冠生民議竝元聖之名異廣嚴師之禮魚朕親為製誓以表崇儒至於四科鉅賢並超五等七十達

者俱贈列侯仍命宋僚分紀道烈式盡褒揚之首庶資善誘之方且
令中書樞密院三司使兩制尚書承印待制館閣直館校理分撰贊
以聞

頒文宣王廟儀注詔大中祥符三年六月丙辰

嚴師重道勸學之令欲釋菜陳牲薦誠之盛典養邦教之選被覽儒
臣之上言慮夫口國之間未詳俎豆之事乃命戶部郎中龍圖閣待
制戚綸與太常禮院共加參議各盡討論酌於簡冊之文著為庠序
之式仍從圖續用廣頒行其釋奠元聖文宣王廟儀注及祭器圖全
崇文院雕印送太常禮院頒下諸路

故荆國公王安石配饗孔子廟廷詔崇寧三年六月九日

勅門下道術裂於百家俗學弊於千載士以傳注之習汨亂其聰明
不見天地之純全古人之大體斯已久矣故荆國公王安石由先覺

之智博聖人之經闡性命之幽合道德之散訓釋異義開明士心總其萬殊會于一理於是學者廓然如觀日月咸知六經之為尊有功于孔子至矣其施於有政則相我神考力追唐虞三代之隆因時制宜創法垂後小大精粗靡有遺餘內聖外王無乎不備蓋天降大任以興斯文孟軻以來一人而已朕方丕承先志崇建膠庠命教四方遍于郡邑推原其本想見儀刑夫時有後先人無今昔孔子之道得公而明求其所同若合符節春秋釋奠其與饗之王安石可配饗孔子廟廷故茲詔示想宜知悉

樂正子封利國侯配饗孟子公孫丑等封伯從祀孟子制

勅太常寺狀承都省批下錄白京東西路學狀為哀州鄆縣孟子墳廟見在塑像弟子四人不顯姓名乞指揮下有司討論奉聖旨依所乞樂正子配享公孫丑等從祀其封爵令太常寺擬申尚書省續承

勅太常寺狀勅會樂正子配享欲擬封侯爵公孫丑等欲擬封伯奉
聖旨依

公孫丑

萬章

告子

孟仲子

陳臻

充虞

屋廬子

徐辟

陳代

彭更

公都子

咸邱蒙

高子

桃應

孟僖

季孫

己上並封伯

勅公孫丑等孟子既沒孔道益尊今孔子廟食於天下配饗從祀自
孔子以來未有如孟子也爾等志不行於當時而見錄於後世列爵
疏封亦可為榮矣

勅樂正子克由孔子至於孟子百有餘歲去聖人之世若此其近也

回聖人之道若此其難也孟子既沒配享孔子之廟血食於天下亦可謂至矣今於鄒獨推尊孟子求其門人高弟使得從祀南面處如孔之尊焉克也學古之道好善優於天下追以侯爵其配食焉斯文之光萬世不泯可封利國侯

前代聖后賢臣置守陵戶詔建隆二年四月壬寅

前代聖帝明王陵域成在忠臣賢士邱壠尚存或樵采不禁或風雨不庇永言舊典闕孰甚焉且令郡國置守陵戶墳墓有隳壞者量加修葺務令嚴潔以稱朕意

前代帝王三年一享詔建隆四年六月丙申

歷代帝王國有常享著于甲令可舉而行自五代亂離百司廢墜遭相之祀豈謂德馨杆難禦災或乖血食永言祭法闕孰甚焉宜令有司准祠部令應先代帝王三年一享以仲春之月牲用大牢祠官以

本州長官充若有故遣工佐行事高辛廟在宋州穀熟堯廟在晉州
臨汾以稷契配舜廟在河中以皋陶配夏禹廟在陝州夏縣以伯益
配商湯廟在偃師以伊尹配周文王在豐以太公配武王在鎬以周
公召公配與文王同廟在咸陽享漢高祖於長陵以蕭何配自高辛
以下諸帝久停祭享宜令有司准令文處分起來年仲春行享遼處
長吏即差賓佐行事太牢以羊豕代之饌料官給祭器有司製造給
付其諸帝祠廟仍令本所修葺有陵處仰州縣指揮勿令摧毀仍禁
樵采漢光武唐太宗道濟生民功高百世或廟貌未立或祀典未修
永言舊章無乃有闕光武宜就南陽立廟祭享唐太宗宜就京兆府
醴泉縣立廟祭享至時行享其兩廟配享功臣宜令吏部尚書張昭
檢討以聞

前代帝王置守陵戶祭享禁樵采詔

乾德四年十月癸酉

自古帝王受天畀命功侔造化道庇生民咸載簡編宜崇典禮或廟
貌猶在久廢牲牷或陵寢雖存不禁樵采朕順考古道咸秩無文方
懷景慕之心敢急寅恭之意其太皞英苑邱炎帝葬長沙黃帝葬喬
山顓頊葬河高辛葬濮陽唐堯葬城陽虞舜葬零陵女媧葬趙城夏
禹葬會稽商湯葬囿縣周文王武王葬咸陽縣漢高祖葬長陵在
長安北後漢世祖葬洛陽界唐高祖葬三原縣東太宗葬禮泉縣北
凡已上一十六帝各置守陵五戶每歲春秋二時委所在長吏各設
一祭商中宗太戊葬內黃縣東南高宗武丁葬西華縣北周成王康
王葬畢原文帝葬霸陵在長安東宣帝葬杜陵在長安南魏太祖葬
于鄴晉武帝葬洛陽後周太祖文帝及隋高祖文帝並葬富平縣已
上一十帝各置守陵三戶每歲一享秦始皇帝葬昭應縣漢景帝葬
陽陵在長安東北武帝葬茂陵在長安西後漢明帝章帝並葬洛陽魏

文帝葬晉陽山後魏孝文帝葬富平縣唐元宗葬奉先縣肅宗葬禮泉縣憲宗葬奉先縣宣宗葬雲陽縣梁太祖葬伊闕縣後唐莊宗葬新安縣明宗葬洛陽東北晉高祖葬壽安縣已上一十五帝各置守陵兩戶每三年一祭仍並委所在長吏祀以太牢以羊代周桓王葬澠池縣靈王葬河南栢亭西景王葬洛陽太倉中威烈王葬洛陽城西隅前漢元帝葬渭陵在長安縣成帝葬延陵在咸陽縣哀帝葬義陵在扶風平帝葬慎陵在洛陽東南陽帝葬康陵在慎陵坐中安帝葬恭陵在洛陽北順帝葬洛陽西質帝葬洛陽東南獻帝葬渭城西魏明帝葬河清縣大石山高貴鄉公葬洛陽瀍澗之濱陳留王葬平原晉惠帝葬太陽陵在洛陽懷帝愍帝並葬平陽西魏文帝葬富平縣東魏孝靜帝葬鄴郡唐高宗葬奉天縣中宗葬富平縣睿宗葬奉天縣代宗葬富平縣德宗葬雲陽縣順宗葬富平縣穆宗葬奉天縣

恭宗葬三原縣文宗葬富平縣武宗葬三原縣懿宗葬富平縣僖宗葬奉天縣昭宗葬絳州縣梁末帝葬伊闕縣後唐清泰帝葬明宗陵南已上三十八帝陵寢常禁樵採應已上帝王寢廟安遠處長吏及本縣令佐常功檢校罷任日具有無廢闕批書麻子其祠祭儀注仍令有司頒下

聖帝賢臣陵墓禁樵採詔景德元年十月辛巳

歷代聖賢名標簡策咸有封樹載于圖經至於嚴禁樵蘇蓋邦家之令典盜發塚墓有律格之明文如聞姦凶頗恣牙掘特申約束用警郡倫其諸路管內帝王陵寢名臣賢士義夫節婦墳壠并禁樵採毀者官為修築無主墳墓碑碣石獸之類敢壞者論如律每歲首所在舉行此令

漢紀信贈太尉詔景德四年二月己巳

滎陽舊邑次舍所經當爰漢之開基有忠臣之効命緬懷勁節思貢
寵章漢將軍紀信運屬經綸志懷感槩以身殉國視死如生眷此故
城儼存廟貌特頒溫詔用獎英魂宜贈太尉

漢魯恭贈太師詔景德四年二月己巳

三異之風青編且載緬懷先哲爰舉徽章後漢司徒魯恭學本儒宗
行為世範建議必援於經訓字民克茂於仁聲中年偕封廟食斯在
特加異數用獎名臣宜贈太師

唐白居易孫利用河南府助教常修奉墳塋影堂詔景德四
年二月辛巳

唐刑部尚書白居易孫利用唯爾遠祖有名前朝蔚君子之鴻文履
古人之淑行致政之地遺像在焉言念緒風式旌後裔官于鄉塾無
忘聿修可河南府助教常脩奉墳塋影堂

唐孝子潘良瑗墓禁樵採詔 景德四年二月戊子

唐故孝子潘良瑗及子季通世德可稱天性甚至中年之境其墓在焉尚存刻石之文足見因心之行特加優禮以厚人倫宜令開封府增封之嚴禁樵採致祭

河南府建漢高祖廟詔 景德四年二月庚寅

朕上陵典禮致孝盡恭思秩無文用旌前躅緬惟漢祖嘗宅中區五氏之運祿相承三晉之基局斯兆載懷餘烈尚闕嚴祠爰命脩修永昭祀典宜令河南府建漢祖廟本府差官以時致祭

加謚昭烈武成王詔 大中祥符元年十一月戊戌

神武戡亂七德著其善經豐功在人百世存乎明祀維師尚父實贊隆周摠九伯以專征演六韜而垂法前朝崇尚方冊具存聲建嚴祠增加顯號與國庠而並設紀時祭之彝章施及我朝祇若舊典今以

省方輯瑞昭薦徽名宜加謚昭烈武成王所司擇日備禮冊命仍於
青州特建祠廟春秋委長吏致祭

追封周公為文憲王詔大中祥符元年十一月戊戌

周公旦制禮作樂誕稟聖資煥乎舊章垂之千載今以上封岱岳按
禮魯郊迓遠遺風緬懷前烈始公胙土寔惟是邦故其嗣君得用王
祭而祠宇未稱闕孰甚焉特議褒崇以申隆顯可追封文憲王所司
擇日備禮冊命於曲阜縣建廟春秋委本州長吏致祭

河中府周朝葬冠劍處脩築禁樵採詔大中祥符五年八月
丁酉

朕歸功神載崇德祖先惟舜都千里之封乃周祖四征之地山河盡
在星紀屢更弓劍所藏松楸成列特加脩奉仍禁樵蘓載刻翠珉永
垂後裔河中府周朝葬冠劍處委本府差人修築禁其樵採仍令翰

林學士李宗諤撰記紀

不得斥黃帝名詔 大中祥符七年六月乙卯

恭以感電發祥合符御極治茲五氣和于萬邦盛德無疆首風聲於帝典鴻靈累洽啟宗緒於皇家猥以眇姿獲承天統躬聞寶訓述宗遐源仰茂烈之貽孫勵精心而尊祖雖復周宗后稷誦生民之詩唐奉庭堅著德明之號敢忘祇率益用欽崇間覽庶僚每形奏牘或旁稽於文史必上指於名稱贊述形容信云歸美較惟斥黜竇靡違寧自今內外文字不得指斥黃帝名號故事經典舊文必不可避則平空之

申禁歷代陵寢樵採詔 天禧元年六月乙卯

春惟前代崇建寢園凡在部封宜增嚴衛矧屢頒於條詔俾申禁於樵蘓尚或因循致茲侵暴特加告諭用示軫懷應有歷代帝王陵寢

之所依元詔禁止樵採違者特收捕嚴斷

汾州介之推廟可潔惠侯詔

勅惟神之生嘗以羈紲從晉侯行天下而不言其祿晉人思之卒與其母隱死於深山而不顧可謂忠廉自信之士矣則其歿也宜為明靈血食於其土守臣來告有禱必從庇民之德是不可以亡報錫命侯爵神其享之可

漢東方朔封智辯侯制

勅漢太中大夫東方朔詆諛多端不名一行生潛難測歿顯異功每應旱乾散為甘澤濡枯流潤屢告豐年不有褒美曷昭嘉惠可

制 濰州昌樂縣孤竹廟額曰昭賢廟伯夷清惠侯叔齊仁惠侯

勅神生于商末避紂海濱聞文王作興田畝歸乎來不幸已老勲業

不著獨以道傳為百世師辭孤竹之富律貧以為廉決避地之去激
懦而有立此孟子謂神為聖之清者夫窮一才以利天下後世其惠
豈昭賢之廟號足以稱乎肆加寵名揚休烈可

勅孟子謂伯夷聖之清孔子謂求仁而得仁又何怨夫聖與仁皆天
下之至德而夷齊居之可謂盛矣道不行於當時載其仁以惠于後
世神之功不亦大乎功大而位不正實至而名不隨豈所以礪天下
哉肆昭寵號式揚神休可

吳泰伯封至德侯制

蘓州正德廟吳泰伯有天下者祭百神故咸秩無文列於周誥惟爾
有神生載令德見稱仲尼受封于吳而不朽歷千餘歲貽聖有孚錫
祉禦萬世以正應封於侯爵以貴神休廟食益嚴永祉茲土可特封
至德侯

國賓

封周帝為鄭王詔建隆元年正月

封二王之後備三格之賓所以示子傳孫興滅繼絕夏商之居祀宗周隋之啟介鄭古先哲王實用此道矧予涼德厯試前朝雖周德下哀勉從於禪讓而虞賓在位豈忘於烝嘗其封周帝為鄭王以奉周杞正朔服色一如舊制務遵典禮稱朕意焉

嵩慶二陵西京六廟差官朝拜祭饗詔建隆元年正月丁巳有虞氏禘黃帝而郊饗祖顓頊而宗禋祀不止於本朝義必尊於有德著於祭法朕甚慕焉矧惟眇躬逮事周室謳謠訟欲雖歸新造之邦廟貌園陵豈忘舊君之禮其嵩慶二陵及四京六廟宜令有司以時差官朝拜祭享永為定式仍命宗正少卿郭玘行禮焉

重葺周六廟詔景德四年二月戊子

朕俯從衆欲躬省民風永惟西洛之都城首訪前朝之廟室俾陳明
祀用達虔誠豐潔牲牷既申於薦享繼覩棟宇尤極於精嚴其西京
周六廟神主自今祭則出之仍令重葺廟宇

封周室子孫為崇義公詔

嘉祐四年五月二十一日癸酉

先王推紹天之序尚尊賢之義褒其後嗣賓以殊禮豈非稽古報功
聖人大典哉國家受命之元繼周而王雖民靈欣載麻數允集而虞
賓遜位德讓丕顯頃者推元本始褒及支庶每遇南郊許奏白身一
名充班行恩則厚矣而未稱將上采姚姒之舊略循漢唐之典詳其
嫡嗣優以公爵異其任進之路申以土田之錫俾廟寢有奉享祀不
輟庶幾乎春秋通三統原三代之制矣宜令有司取柴代譜系諸身
中推最長一名聞令歲時奉周家祀事如係白身即與京官主簿已
有官者據見任品秩比類白身換充文資仍封崇義公河南府鄭州

界內與合入差遣更給公田一項其河南府鄭州周室靈廟並專委管勾歲時親行祭享應陵廟及禮料所須皆從官給如至知州資序即與別差遣却取以次近親一名襲爵授官承替永為定式其餘事件要有司舉行布告中外咸體予意

周恭帝後以其孫世世為宣義郎

政和八年閏九月二十七日

昔我義祖受禪於周周郭姓也柴世宗已出為周後嘉祐中擇柴氏旁枝一名封崇義公義者謂不當封周然禪國者周而三恪之封不及禮蓋未盡除崇義公依傍外擇柴氏最長見在以其祖父為周恭帝後以其孫世為宣義即監周陵廟與知縣請給以示繼絕之仁為國二恪永為定制